

欽定剿平粵匪方略

欽定剿平粵匪方略卷一百四十 乙卯年

十一月初二日

辛酉

陸元烺奏言湖南茶

匪闖入永新縣地面經臣續調臬司周玉衡前

往督剿該縣城垣年久失修必須以戰爲守參

將柏英紮營離城十餘里之草市場知縣華翼

綸移紮蓮花廳都司李慶華紮營洋湖各隘口

堵截九月十三日逆匪先以大股分撲洋湖草

市坳柏英及華翼綸各率兵勇迎勦接戰逾時
詎該逆另股數千人繞撲縣城柏英等急回堵
禦逆匪已由缺口越入城內草市坳等處之賊
復自後夾攻我軍寡難敵衆且恐賊乘勢窺犯
府城遂退駐里田要隘二十五日探聞該逆分
竄永新安福連界之隆田地方尙留悍賊數百
在城華翼綸等冒雨進攻適知府陳宗元派勇

馳至協力攻擊逆匪俱越城而逃我軍直前追
捕華翼綸等入城安撫居民其隆田之賊於二
十六日圍攻安福縣城該縣知縣杜林派勇出
勦斃賊一百數十名奈賊愈聚愈多攻撲入城
杜林等退至里田柏英營內請兵收復其時續
調之寶勇威武軍及省城兵丁先後馳至而該
鎮阿隆阿聞永新之警卽率贛州兵勇進駐安

福所屬之楓田地方大河北岸分紮兩營用成
犄角之勢三十日阿隆阿督同柏英出隊該逆
恃衆迎拒自辰至午接戰三時殲賊百餘名該
逆敗退阿隆阿追逐十餘里又復殺賊數十人
不意該逆分股由南岸偷渡過河先襲寶勇營
盤繼衝額兵營壘阿隆阿柏英回救無及復被
逆衆四面包抄以致全軍皆潰現退回里田逆

饑愈張不但吉安府城可虞卽鄰境之袁州臨
江二府亦俱震動必須添集勁旅迅圖剿洗臣
已飭知府周汝筠選募南康勇二千名馳往剿
辦前調平江勇五哨尙未到吉應再添調五哨
飛咨侍郎曾國藩飭催拔營前進合力夾擊至
永新縣知縣華翼綸千總李慶祥安福縣知縣
杜林參將柏英總兵阿隆阿仍令速集潰散各

軍俟平江南康等勇到後會合兜剿藉贖前愆
奏入

上諭內閣曰此股賊匪攻陷城池永新縣知縣華翼綸
南安營千總李慶祥未能禦賊入城雖旋即收復地
方究已被擾均著革職仍責令搜捕餘匪以觀後效
安福縣知縣杜林著卽革職留營帶罪自效吉安營
參將柏英著摘去翎頂署贛州鎮總兵阿隆阿著摘

去頂戴柏英阿隆阿仍著交部分別議處

初五日

甲子

胡林翼奏言逆首韋俊自擊敗後復

搬石達開悍賊數千共二萬餘人自蒲圻分途
來撲其由東路楓樹嶺雷家橋沿七里沖而入
者則橫排羊樓洞北田隴一股由千嶂嶺踰山
西來約四五千人列陣於營北又一股約二三
千人由港口驛循中港而至列陣於葉家山冀

以牽掣我西面諸營羅澤南駐營山上傳令如
賊偏營勿遽出戰東路一股忽分三路一路登
小石山撲我左營一路踞麥園以防中營之橫
截一路循山脊直偏右營道員李續賓督勇擊
之與賊交鋒殺斃悍賊五六百人羅澤南分三
路繞攻麥園知縣蔣益澧分其左營爲二一登
小石山一繞山北抄之鼓勇而前賊衆大潰溺

斃於園外池塘者三百餘人各勇又截殺五六
百人大股由田隴狂奔散布山谷右營從七里
沖之右脊而上中營副中營循中脊左營循左
脊三路圍勦奮登其巔其在山谷者千餘人皆
刃之逸出者又追殺十餘里營北山巔之賊見
大股已敗猶思踞險自固訓導劉蓉率副右營
分路仰攻殺斃悍賊數十人唐訓方由張鼓嶺

橫截之葉家山之賊普承堯暗擊之賊俱駭奔
劉騰鴻抄其西署蒲圻縣孫守信包其左四路
截殺屍橫遍野計共斃賊三千餘人生擒二百
三十餘名據供韋逆受石逆密指奮力來攻上
襲岳州石逆卽由通城攻平江共犯湖南等語
十三日臣由嘉魚取道至羊樓洞與羅澤南會
商進取適湖南平江紳士在通城防勦勇丁二

千人與首逆石達開血戰數日平營被踏退守
平江上塔市臣以該逆故作上竄湖南之勢者
不過牽掣我師使不得遽攻下游擣其巢穴若
我軍久駐羊樓洞遷延時日適足老師若復轉
搜崇通則兵進賊遁兵退賊出往返皆疲莫如
併力急攻直下蒲圻攻其所必救羅澤南與臣
均卽拔營前進並約楊載福水師進紮新灘口

牌洲相機直下臣仍一面飛咨湖南嚴防不虞
至羅澤南營中出力員弁勇丁可否由臣查明
彙案請獎伏候

聖裁奏入

上從之

胡林翼又奏言湖北賊勢自秋冬以來大股專
注於南岸卽下游金陵皖江之賊亦專以分股

上竄爲計而總不離沿江兩岸求所以制賊之
死命者惟以精練水師爲先務之要臣考古今
平賊之路未有不據上游形勢者武漢則金陵
之上游也荆襄關南北之大局而武漢又荆襄
之咽喉通籌全勢必以武漢得手設立重鎮屹
然不可再搖乃會合江西內湖一軍以水師之
全力制賊下游紅單巨艦亦得併力以扼賊吭

惟外江水師船多礮少取給湖南礮局暫可供
用而模範較小不如粵東所購洋礮之美上年
侍郎曾國藩請調礮位因道梗未經運竣應請
飭下兩廣督臣葉名琛購運五百斤以上千斤以下洋
礮六百尊派兵護交湖南舟運湖北以冬杪爲
期轉交待侍郎曾國藩勻配以資異日東征利用
奏八

上命軍機大臣傳諭葉名琛柏貴曰胡林翼奏請飭購
運洋礮等語著葉名琛柏貴卽購運五百斤以上千
斤以下洋礮六百尊派委兵弁護送由湖南運赴湖
北胡林翼軍營俾資應用

初九日 戊辰 和春福濟奏言廬州近城一帶雖已

肅清而距城百餘里之三河南通舒城西接廬
江東路可達無爲巢縣水陸衝要該逆久經占

踞堅壁高壘復有河道環繞防備甚嚴必須趕
緊攻圍方能力取舒巢臣等飭令鄭魁士麟瑞
移紮清平寺該逆突出千餘名來撲兵勇連開
槍礮兩面圍殺約斃賊百餘名十一月初一日
鄭魁士等分三路進剿逆匪出巢千餘人隔河
開放槍礮我軍過河三而夾攻槍礮連環逆勢
不支向西敗走兵勇追殺馬隊兩路斃抄死者

枕藉鄭魁士等槍過河西截其歸路逆匪不敢
入巢將西面賊營一座平毀約斃一百數十名
又准秦定三來函十月十五日會同孫克登添
築營壘適南門及城外並七里河各出賊千餘
人來撲秦定三殊克登督兵夾擊斃賊百餘名
十七日黎明分攻南門六安門時賊營各出數
百人拌死抗拒兵勇一齊衝突連斃賊十餘名

餘皆驚潰我兵趕殺斃賊一二百名又接吉順
函開帶兵由柘皋移營楊徐山督兵分路進攻
東門出賊千餘人我軍迎勦並令馬隊從後抄
襲賊勢大潰奔敗入城約斃賊一百數十名臣
等仍飭迅速進勦以圖克復奏入

上諭曰進攻並未得手殊深憤悶若不趕緊痛勦何日
方有轉機

十一日

庚午

官文奏言

臣

於克復德安後因聞武

漢賊衆內多新擄鄉民當卽出示開導解散派
撥各軍齊抵蔡店澗口等處孔廣順李光榮遂
進紮距漢陽十數里之興隆集十月二十三日
李光榮等帶隊直至漢口守備舒渭玉襲破竹
臺寺賊卡千總李芳春撲進橋口軍功朱忠清
等帶礮船由襄河直下燒燬浮橋二座上岸齊

攻殺斃賊匪無算臣現由長江埠馳出涇口李
孟羣已抵漢川聲勢聯絡進攻較便其羅澤南
一軍孤懸羊樓洞前調四川湖南官兵應援恐
緩不濟急故力催諸軍迅徧漢陽以分賊勢臣
近接胡林翼書據稱兵力已強不必分兵往援
以攻取漢陽爲要臣卽力圖武漢以爲拔本之
計其德安分竄黃州餘匪行至黃岡新州地方

聞

經知府許廣藻會團進攻殺賊數百復經四面圍擊殲斃及偏入河內淹斃者不計其數當將新州肅清奏入報

十二日辛未胡林翼奏言臣由羊樓洞拔營下攻

蒲圻與羅澤南軍相爲聯絡軍威益壯十月十八日羅澤南李續賓帶同署蒲圻縣孫守信審

視形勢逆渠韋賊等收集殘喘乞救於逆渠石
達開分四千人令僞總制李賊率之來會兼集
崇通土匪不下三萬人踞於蒲圻守具日增於
鳳凰山之麓五嶽觀之巔築大營二座豐樂門
外築大營一座各營之間設立石卡以扼入城
之要河之北岸築木城四座以通咸甯江夏之
賊搭造浮橋以濟之冀阻我師之下攻也臣等

由閒道出公安畷進駐鐵山臨城西北隅賊壘
遽失其險鐵山高二里綿亙數里與豐樂門之
雞冠山相峙其東南爲鳳凰山西北爲河邊寶
塔一帶諸山形勢雄險臣等以五營駐山脊俯
瞰城中以四營駐山之西北以三營駐山之東
南分路進攻因我軍野戰則易於取勝攻堅則
受傷必多計誘賊衆來襲庶可一鼓蕩平二十

日遣捷勇數百偪壘搦戰賊出則反旗而走賊退又往如是者一日賊不敢遠追二十一日辰刻羅澤南率中營劉蓉率副右營從山右田隴而下攻南門外賊壘李續賓率右營從雞冠山脊下攻豐樂門賊壘知縣蔣益澧率左營知州唐訓方率訓字營從田隴之右林木中繞出攻五嶽觀賊壘守備周得魁等駐鳳凰山防賊之

伏遊擊普承堯紳士劉騰鴻從山左下駐寶塔
諸山截河北之賊兼以攻城張寅恭等攻城之
西北孫守信督練分布要隘臣軍方出北岸賊
衆紛紛渡河來救普承堯等率諸勇截之賊不
敢渡復督諸勇以擡槍仰攻守城之賊或緣梯
而上或肉薄而登爲賊滾木亂石所阻終莫能
上城中之賊爲我所截亦無出救賊壘者李續

賓由雞冠山直薄豐樂門賊壘奮勇而上各營亦極力分攻皆堅不可奪賊出柵來追諸勇乘賊之出反旗衝殺賊又入柵自固無敢出壘迎敵者豐樂門南門二壘之間賊立重卡卡內有小坡賊之悍者悉萃之我軍因轉而攻卡賊以死力拒守諸勇奮力血戰旋退旋進爲地勢所阻終莫能入羅澤南等會商令諸勇暫駐山坡

約會各營誓破此壘劉蓉之弟劉藩親取柴草
往燒賊壘賊以槍礮轟擊劉藩身先士卒不稍
退避中礮陣亡諸勇憤之荷芻負薪奮迅而進
縱火焚燒烈焰突起賊衆乃亂乘機奪柵以入
蔣益澧殺入東嶽觀之壘唐訓方殺入河邊之
壘劉蓉率勇四面攻擊分途截殺豐樂門與南
門壘中之賊猶恃險如故羅澤南李續賓乘勢

殺入臣遣張寅恭從城西北殺入連用大礮轟
擊賊莫能當張寅恭先射賊目策馬躍於壘中
普承忠等繼之奪柵以入賊壘殺賊三千餘名
其逃潰之賊爲諸勇殺者亦以千計內斃賊目
十餘名其餘涉河逃溺死者無算卡營俱破所
未下者僅一城耳臣於傍晚派李續賓帶勇百
餘人據雞冠山頂俯瞰賊營蔣益澧帶勇從鳳

鳳山下防賊南竄崇陽之路普承堯劉騰鴻帶
勇至城西門外山上張寅恭周有元帶勇至寶
塔山上循環放槍吹角賊皆驚亂各自奔逃我
軍直追城下緣梯而上諸賊盡從北門而出黑
夜自相踐踏殺者又以千計諸勇相繼入城
搜殺五六百名二十二日黎明渡河將北岸賊
營四座盡行焚燒兩日一夜約殺斃賊衆五六

千人生擒三百七十餘名奪獲馬四百餘匹是役也以全力攻堅將士同心效命得以踏破賊營九座克復城池在營出力將領員弁應懇

旨分別獎勵陣亡各員從優議卹

胡林翼又奏言浙江甯紹台道羅澤南候補道安慶府知府李續賓每戰必先忠勇冠時閱該員等家書羅澤南之父羅嘉旦年八十歲李續

賓之父李登勝年七十歲最以忠勇報

國不得眷戀庭闈詞意正大可風是該員等之忠義奮發實皆稟承家訓可否仰懇

天恩賞給羅澤南祖父母父母二品封典李續賓

賞加鹽運使銜給其父母三品封典出自

逾格恩施奏入

上諭內閣曰此次我軍進剿踏破賊營九座克復蒲圻

所有疊次出力之直隸州知州唐訓方著賞加知府
銜並賞換花翎知縣蔣益澧著以同知補用並賞換
花翎訓導劉蓉著以知縣補用賞加同知銜並賞戴
花翎遊擊普承堯著以參將儘先補用都司朱品隆
著以參將補用並賞換花翎守備劉錫文周寬世張
文煥均著以遊擊補用千總陳光孚劉人和王名濬
均著以都司補用把總朱升開錢得勝何習藝均著

以守備補用軍功李見榮著以千總拔補並賞戴藍翎軍功普承忠著以把總拔補並賞戴藍翎把總楊德武張福田均著以守備補用已革遊擊張寅恭著開復原官署蒲圻縣知縣孫守信功過相抵著免其置議其先後陣亡之文童劉藩著追贈知縣照知縣例從優議卹都司楊泰友著照參將例從優議卹千總楊佐清楊再佑著照都司例從優議卹把總劉祥

雲易光榮黃德榮張九錫外委韋順清均著照守備
例從優議卹從九品蔣文彬郭祥基均著照縣丞例
從優議卹

又諭內閣曰布政使銜浙江甯紹台道羅澤南候補
道安徽安慶府知府李續賓自帶兵出江以來勇敢
直前屢著戰功允宜特沛恩施以昭獎勸羅澤南著
於此次覃恩內賞給伊祖父母父母二品封典李續

賓著賞加鹽運使銜亦於此次覃恩內賞給伊父母
三品封典

十三日壬申向榮奏言逆匪自被挫後仍伏匿不

出我兵至龍脖子哨探誘敵該逆遙見人少隨
於太平門出賊一千餘名我兵直前迎戰大股
騎馬賊衆又由太平朝陽兩城根分股抄至各
兵勇且戰且退誘賊撲過明陵伏兵齊起遊擊

李定太由明陵橋南堦去都司蔣錫光從山溝
橫衝參將張騰蛟將槍礮排轟擊斬馬步賊匪
無算該逆擁衆鏖戰李定太縱馬橫擊連砍數
十餘人力奪賊馬十餘匹逆衆稍卻經守備鄧
連科由明陵西牆角堦勦潮黃兵由東牆角抄
出要擊臣復派署將軍福興統領兵勇馳至督
同副都統德崇額及護理副都統順庭率兵策

應賊始大敗返奔奪獲賊馬三十六匹臣思該
逆連次馬隊出撲皆被痛懲創敗愈深思竄愈
急連日探有賊衆至三汊河江甯鎮嘯聚聲言
欲犯秣陵關該處爲內竄要衝窺伺最久惟有
加意防禦並飭總兵明安泰嚴守秣陵一面添
派得力兵勇赴北路巡防與高資兵勇遙作聲
援密加堵遏至蕪湖水陸圍剿各賊壘仍負固

相持所有旗羅山外援各賊或後窺神山前伺
陡門中出丁橋一帶逐日前來抵突意圖分掣
我兵通彼援救而范羅山石壘之賊亦不時乘
虛出撲鄧紹良親督兵勇防剿兼施殺賊頗多
並訊據生擒賊供江北匪黨亟欲偷渡過江接
應等語趕卽函會水師經吳全美李德麟等分
次擊沈賊船現在水陸圍截賊已無從接濟石

星旣形窮蹙亟可乘勢蕩平惟南岸兵力不敷
未能分撥過江臣咨商和春派軍馳至江北會
勦並飛咨鄧紹良迅圖進攻一面堵勦外援之
賊以防內犯仍責成吳全美扼勦江面使賊不
能偷渡接濟爲埽穴擒渠之舉奏入報

十五日

甲戌

官文奏言十一月初四日漢陽城賊

分起攻撲三眼橋孔廣順督兵施放槍礮轟斃
多賊詎該逆由河下衝來賊船數十隻上岸助
戰我兵分投抵禦適顏朝斌由蔡店督隊趕至
併力齊攻當將賊匪殺敗仍追過三眼橋賊復
傾巢而至官兵迎擊一股敗去一股復來連環
撲戰河下賊船又復乘風下駛臣聞信後卽撥
兵五百派文明督帶並催調後路兵勇接應由

榔頭山殺入遊擊何越珽首先率勇突至浮橋
邊殺斃逆賊數百護軍劉玉奇爭先衝陣孔廣
順顏朝斌等各帶兵勇夾擊槍獲賊船六隻殺
斃逆賊千餘羣賊大敗奔回城中李孟羣督隊
緊追離龜山不遠山上大礮連擊遂卽收隊據
探逆賊將近山土城礮臺修整四圍密設滾木
槍礮極爲堅固漢陽逆匪晝夜興築附近居民

均被逼迫現在解散脅從使賊無附和自不難
於殲除奏入報

同日陸元娘奏言查義甯州界連湖北崇陽通
城等縣羅澤南等收復城池後卽赴援武昌臣
咨會劉開泰撥兵嚴守以杜回竄茲據知縣黃
振成稟稱十月十四日劉開泰督兵移營馬坳

地方有賊匪千餘竄至渣津距馬坳十里劉開泰出隊行至渣津橋邊遇賊接仗斃賊百餘人賊卽敗退十五日寅刻劉開泰復派兵出隊分三路渡河艾連升等爲前鋒吳邦樞等由東路進攻吳邦柱由西路進攻劉開泰由中路進攻以賴兵爲後隊該逆始以千餘人列陣山坡艾連升等奮力衝殺賊旋退至山後忽於東西兩

山各出二千餘人護擁來撲吳邦樞等分投截
擊山坳內復出賊匪二支抄襲吳邦樞等後路
又另股賊匪二三千直奔中路劉開泰督放槍
礮擊斃多匪乃賊自兩旁山麓而來愈聚愈衆
艾連升等急率勇協助被賊包裹併力衝突殺
賊數百名該逆知係統兵大員圍刺愈急劉開
泰身受重傷力竭陣亡其長子五品軍功劉以

亨亦同時被害艾連升及各備弁均受多傷兵
勇傷亡不少餘俱潰敗黃振成沿途收集潰兵
退駐州城甚爲可慮各等語臣卽飛調道員耆
齡參將遮克敦布帶領贛勇一千七百餘名馳
往援剿其饒郡防兵旣撤省東未免空虛現咨
商臣曾國藩擬將湖口官渡陸營移紮都昌地
面庶與饒郡聲勢聯絡遇有緩急卽可就近赴

援一面札催臬司周玉衡剋日進攻安福如賊
竄袁郡卽跟蹤追勦務期悉就殲除勿任蔓延
贛州鎮總兵劉開泰忠勇兼備屢著戰功調度
允當用能剋期收復城池其子劉以亨奮勇殺
賊同時陣亡均堪憫惜合無懇

從優議卹仍將劉開泰於義甯州城建立專祠劉以
亨一同附祀以慰忠魂奏入

上命軍機大臣傳諭陸元烺曰義甯爲湖北崇通後路
羅澤南之師自崇陽通城蒲圻一路進仗甫經克復
三城而該州境內復被賊匪闖入不但傍竄內犯延
蔓可虞兼恐牽掣羅澤南之後該道現與胡林翼合
軍勢難返顧陸元烺已檄調贛南道耆齡參將遮克
敦布帶勇千數百名馳往援剿如能將義甯賊匪掃
數殲除卽著飭令耆齡等前往崇通一帶隨剿隨進

與羅澤南互爲聲援不可株守本境以期次第殲除
上諭內閣曰此次義甯州境堵禦陣亡之總兵劉開泰
前在江南大營屢著戰功赴任以來會勦義甯賊匪
克復城池茲以力竭捐軀殊堪憫惜著交部從優議
卹伊子五品頂戴劉以亨奮勇殺賊同時陣亡著一
併交部從優議卹劉開泰並著於義甯州城建坊
祠劉以亨一同附祀

欽定勦平粵匪方略卷一百四十一 乙卯年

十一月十八日 丁丑 托明阿陳金綬雷以

臣等探得瓜州賊匪約鎮江金山之黨潛聚瓜
巢意圖旁竄旋於十月十九日瓜州突出賊一
千餘名直向東岸尹家橋衝撲意欲毀我新築
土圍參將英貴等帶兵迎擊斃賊百餘名賊卽
折退俄又有賊黨五六百名由虹橋興隆橋撲

來臣托明阿督隊嚴防賊由西岸竄擾副都統
德興阿督帶營總博奇等從浮橋過河分三路
進剿將該逆擊散二十日該逆三四千名復撲
尹家橋經參將英貴等帶兵由長橋迤北截戰
斃賊百餘名千總姜德等帶勇扼河開放槍礮
斃賊數十名賊不得渡退至虹橋隔渠衝突另
股賊匪或伏草樹之中或匿牆溝之內誘我深

入德興阿知賊狡計親率馬隊由中路直衝賊
隊擣其中堅富明阿等分帶搜伏之兵兩翼並
進賊匪登時潰亂向江路狂奔遁回瓜州我兵
正追勦間又有另股賊犯虹橋德興阿復帶兵
馳往截殺殲斃三百餘名其竄往王家港常家
橋之賊復被練勇截殺餘賊遁回瓜州其江面
賊船由瓜口及金山江汊聯檣上駛總兵陳國

泰擊沈一船斃賊多名適鎮江逆匪大股突出
與京峴山官兵接仗總兵泊承陞等親督各艇
赴南岸協剿賊勢不支紛紛潰遁回巢現據逃
出難民供稱瓜州金山賊造船隻欲撲土橋竄
回金陵復聲言欲撲下游占踞焦山等語臣等
恐該逆聲東擊西酌撥水陸兵勇建營焦山之
上協同水師斷其下竄之路又飭陳國泰督帶

師船嚴扼瓜州上游江面與岸上營盤互相犄
角總期設法緊攻擠入巢穴將賊全股殲除奏
入

上命軍機大臣傳諭托明阿吉爾杭阿陳金綬雷以誠
曰瓜州逆匪窮極思竄亦在意中若不設法破其巢
穴則下游焦山上游土橋各處幾於防不勝防況此
時四面兜圍旣已嚴密即使賊匿不出亦不難於設

法進攻鎮江府城早聞可以攻克吉爾杭阿大營又
力占勝勢何以遲遲未見捷音總因南北兩岸不能
同時並舉南岸得勝則恐瓜州之賊下援北岸得手
又恐鎮江之賊上救以致兩相牽掣日久無功著托
明阿吉爾杭阿等乘此賊勢窘蹙之際趕緊籌攻擣
其巢穴不可徒以防竄爲詞金陵逆首半載未出近
復屢遣騎馬賊隊出撲其奸詭之謀總在援應鎮江

瓜州如能先將二處克復則金陵自成孤立之勢萬勿以長圍爲可恃任賊從容自竄歸併金陵復蹈揚州故轍也

二十日己卯官文奏言逆匪自擊敗後盡調武昌

金口沌口悍賊合萬餘之衆在漢陽西門外結成大寨圖撲我軍臣暗撥精卒助戰初八日賊乘風駛上礮船數十隻繼以陸路之賊沿岸撲

來李孟羣督兵分兩路助剿一路迎敵陸路之賊一路由岸拋擲火毬以擊賊船賊船被焚正在回棹我之礮船馳出擊沈賊船四十隻奪獲大三板礮船十隻五百斤大礮二位陸路之賊甫與我軍交鋒見礮船已敗亦卽返奔我軍水陸馳逐斃賊無數追過十里準賊目劉姓偪令賊目僞丞相孟姓奪回蔡店孟賊是晚謀襲城

頭山之營顏朝斌等率兵伏於營外夜半賊至
伏兵齊起掩殺賊隊大亂昏夜自相蹂躪臣督
前營移紮近城處所設法破其西門外頭卡催
令王國才由沌口進攻都興阿訥欽由黃花坳
步步進逼三面夾擊務將漢陽克復惟羅澤南
一軍自入楚境大小二十餘戰屢挫兇鋒克復
崇通蒲圻等城賊首僞易王石達開率五萬之

衆來抗屢戰屢敗得脫者不及萬人最爲得力
故胡林翼屢咨臣不必分兵往援囑臣專力漢
陽以圖早克乃近因石逆竄入江西義甯江西
撫臣貽書欲令羅澤南回兵剿賊而臣軍已至
漢岸時不可失胡林翼亦囑臣奏留羅澤南一
軍在楚助剿臣飛札羅澤南督軍攻剿武昌俟
克復後酌量緩急再援江西庶免顧此失彼奏

上命軍機大臣傳諭官文曾國藩胡林翼陸元烺羅澤南曰羅澤南自入楚境連克三城逆首石達開率其敗竄餘衆逃回江西其在武漢之賊當必聞風窘蹙此次官文前隊已將漢陽出巢賊匪痛加殲勦軍情正在喫緊據官文奏稱江西欲令羅澤南回軍勦賊自因匪蹤關入義甯境內急籌堵禦惟該道一軍甚

爲得力若遽撤回江西則楚軍攻勦武漢恐難得手
羅澤南仍應由蒲圻進發俾官文各軍得以專注漢
陽早圖克復著官文胡林翼傳諭該道俟江漢肅清
再行回兵援應江西官文亦當乘此機會速飭王國
才都興阿訥欽趕緊攻克漢陽府城爲進擣武昌之
舉至石達開著名兇悍旣已竄擾義甯州界腹地亦
應嚴防耆齡遮克敦布所帶額勇此時當已馳抵義

甯周玉衡阿隆阿進剿吉安前已奏報獲勝如賊勢
已衰即可移緩就急以援義甯其曾國藩軍營及陸
元烺省垣各兵有可再行抽調之處並著妥商辦理
不得專恃羅澤南一軍以致顧此失彼

二十一日

庚辰

命軍機大臣傳諭曾國藩陸元烺曰昨據官文奏江
西因匪蹤闖入義甯欲令羅澤南回軍剿賊已諭知

官文等傳諭該道毋庸撤回江西並諭令曾國藩陸元烺酌量調兵援剿義甯矣崇陽通城係江西湖北往來要路向爲盜賊淵藪羅澤南帶兵不過數千現須由蒲圻進發與胡林翼會攻武漢而義甯州賊勢又熾可見崇通後路尙未肅清恐我軍不免受其牽掣因思江西升用知府周汝筠所帶南康縣練勇六千名上年經陳啟邁派往龍南一帶並廣東韶州勦

匪現在廣東業已肅清江西南路情形較緩此項練
勇著該署撫查明卽令全數調赴崇通等處仍交周
汝筠統帶勦賊以爲羅澤南一軍後路至周汝筠未
到以前江西有無可調之兵著曾國藩陸元烺酌量
撥往助勦俟義甯肅清後卽將耆齡等所帶兵勇一
併飭赴湖北旣可固江西之藩籬並可絕武漢賊黨
之接應於大勢當有裨益

二十二日辛巳向榮奏言蕪湖居江皖之中實爲

南北關鍵自克復縣城後餘逆負固江濱嘯聚
南北兩岸欲與我爭此要衝茲據總兵吳全美
稟稱探聞江北之賊日來日衆紅單各船因無
風不能起碇惟日令划船快蟹往來堵擊沿江
遇有賊出隄邊卽派水勇登岸抄截並將各紅
船用纜牽綴排對轟打無如賊踞高岸船礮仰

擊不能盡準本月初一日南北賊划飛駛對渡
經水勇分勦擊沈賊划二隻復有賊划由北岸
駛出守備郭定猷登時奪獲初二日北岸又有
賊划欲行偷渡郭定猷飛駕划船攔勦復將賊
划撈沈訊據生擒賊供有楊逆令北岸趕緊接
應送信蕪賊死守要衝之語現在江闊岸寬賊
於南岸沙灘窺穴安礮與弋磯分泊紅船對擊

我船兩面受敵且北岸尙無陸軍水師獨力難
支懇請調兵會剿各等語臣思該逆南北分踞
已成犄角之勢必須設法妥籌方足以資堵剿
江口有關門洲一區可以相機扼紮木鐸將戰
船悉圍在內設立木城築以土石安礮對攻石
壘遇有偷渡賊划放船駛出攔截斷賊接濟最
爲周妥臣已密飭鄧紹良吳全美等迅速辦理

惟南岸陸軍不過萬人紮營二十餘座內圍逆
壘外勦賊援晝夜苦戰無兵可分北岸竟無一
軍賊益滋蔓臣聞廬州克復和春有移師巢縣
之說亟盼其追勦東下即可聯絡聲援應請

飭下和春由廬分調得力官兵馳往裕溪口扼紮會勦
一經得手則上自安慶以至九江湖北下由梁
山太平直擣金陵老巢均不難次第肅清矣奏

上命軍機大臣傳諭向榮和春福濟曰蕪湖爲南北咽喉關繫吳楚全局經官軍收復後該逆復以死力來爭吳全美所帶紅單師船祇能掃蕩江心鄧紹良陸路官兵祇能顧及南岸江北無兵會勦難扼守蕪湖於大局實有關繫著和春福濟卽於廬州得勝兵內選派得力將弁管帶陸兵數千名剋日馳赴裕溪

口一帶與蕪湖南岸官兵聯絡夾擊毋得藉詞推諉致南軍或有疏虞

向榮又奏言金陵賊逆於本月初八日在城北附近擄脅民人臣卽密飭遊擊李鴻勳等馳往截勦該逆擾及邁皋橋一帶李鴻勳趕到兜圍殲斬七八十人直追至神策門外初十日復派隊至龍脖子誘敵該逆出黨千餘在西北山溝

排牆抵拒我軍亦阻溝列陣鏖戰之間忽有騎
馬賊隊千餘人揮動黃旗來抄我後各兵勇且
戰且退突從西南角迎擊直前該逆大驚返奔
自相衝踏總兵德安卽揮令乘勢壓進斃賊三
四百名追至龍脖子山腳該逆已逃入太平門
是日雨花臺賊營亦有匪黨出窺紅廟子一帶
經總兵張國樑出隊迎勦將該匪擊退乃該逆

因連次挫敗復有大股傾巢撲出犯我楚粵兩
營都司蔣錫光分兩翼迎戰川東兵由左路抄
截而來參將張騰蛟由右路山溝對賊轟擊該
逆大敗奔回統計兩日擊殺之賊不下六七百
衆臣仍隨時堵剿兼籌以期聚殲奏入報

二十四日

癸未

和春福濟奏言准秦定三函開探

得安慶援賊二千餘名在舒城南門外添營二座十月二十九日督兵攻勦突出賊二三千人由南門七里河撲來兵勇分投追殺適南門小東門各出千餘名分抄該提督衝入賊隊吳秀等一齊擁進珠克登等合力兜圍斃賊三百餘名十一月初七日北門出賊三四千名郝光甲等分途擊勦六安門又出三千名三路包裹經

珠克登等迎擊連開大礮約斃賊五六百名十
二日珠克登等分攻各門秦定三圍攻七里河
賊營奮力擊勦立斃數百名適南門南港出賊
三千餘名我軍刀矛擊刺加以火器又斃賊五
六百名昨准吉順函稱十一月初一日督隊進
攻巢縣東門出賊千餘經兵勇迎擊並令馬隊
兩面衝殺斃賊二百數十名奪獲器械十餘件

各等語臣等仍飭趕緊圍剿以圖克復奏入報

二十六日酉乙官文奏言接據王國才稟稱統帶

礮船陸軍出新灘口探知金口有賊船一百餘
號卽督同營官鮑超等分往圍剿鮑超等從中
路直衝賊隊李濟清由左衝突王明山由右圍
攻一齊殺入各船遠施大礮近拋火彈焚燒賊

船數十隻該逆大敗奔逃奪獲大小礮船五十餘號燒燬賊船數十隻轟斃賊匪無數又被兵勇追殺二百餘名王國才因恐復有上竄之賊踞我要地當卽移營大軍山前將水師礮船泊於金口之左互爲犄角又調李保邦帶勇一千五百名紮於蔡家嶺以防蔡店後路並據都興阿咨報探聞沙口地方有賊千餘名修屋築牆

欲圖久踞該副都統會同已革總兵誦欽馳至沙口隔河遙見賊船五六十隻泊於江邊小河北岸搭有木板房四座正在築牆見馬隊衝到放槍抵禦官兵當卽下馬對擊並乘勢覓渡搶過對岸將板房焚盡賊船解纜不及俱被擊沈等語臣查漢陽逆賊先奔蔡店次竄沙口金口俱經官兵擊敗其膽已落現綿洵所帶馬隊業

抵蔡店候催到川南之兵卽當酌飭策應諸軍
臣接胡林翼來函該署撫與署提臣楊載福軍
同抵金口羅澤南軍日內亦可趕到並派偏師
取道嘉魚下擊約俟彼軍到洪山紮定後知會
臣約期分派精兵駐於漢口之下將水師分作
兩支以一支截斷下游以一支扼守上游再以
陸軍分道步步偏攻賊必內潰武漢俱可克復

所有在金口沙口打仗出力員弁兵勇容俟查明彙請獎敘奏入報

同日安徽徽甯池太廣道石景芬奏言臣前在蕪湖因我軍連獲勝仗寶塔根左右賊壘卽日可除惟恐江北敗匪窺伺徽州遂於十月初日親赴黟縣之羊棧西武祁門之樺根大洪各處

查看團防尙屬周密而青陽縣之崇覺寺有雲
南開化鎮臣都隆阿與副將周天受督帶川浙
官兵駐守亦可無虞內竄臣復由徽起身道出
太涇勸諭該二縣紳董認真團練扼要嚴防於
十一月初二日馳抵甯郡詢之在防文武郡城
近尙安堵惟蕪湖南岸逆匪踞卡偷生對岸賊
巢接濟藥鉛糧食非添設巡船不能斷其接濟

擬請

下浙江江蘇撫臣飛撥釣船六隻八槳船十隻赴蕪
采沿江一帶以備截擊巡防奏入

命軍機大臣傳諭怡良吉爾杭阿何桂清石景芬曰
前因石景芬所帶兵勇陸續裁汰令其專任地方現
該道以蕪湖賊壘未清自請籌防協剿卽著與江長
貴相度機宜協同鄧紹良等沿江剿賊肅清賊壘仍

將徽甯各屬防務認真籌辦不得顧此失彼所請飭撥釣船六隻八槳船十隻著怡良吉爾杭阿何桂清照數分撥飭赴蕪采沿江一帶交該道調用

二十九日

戊子

湖廣總督官文署湖北巡撫胡林

翼署湖北提督楊載福奏言本月初八等日臣等派各營自蒲圻向咸甯進發不意武昌賊匪約集興國大冶之賊五六千人先踞城拒守復

分三路直撲我營知縣邢高魁分三路應之鏖戰二時之久賊遂大敗乘勝追至橋頭殺賊二百餘名三更時賊復率衆撲營見我軍屹立不動歷時乃退羅澤南在汀泗橋聞信卽率各營前進行至咸甯城西時方大霧賊始不知突見城外多壘賊衆大亂縱火焚燒橋亭使我軍無進攻之路羅澤南同李續賓率兵攻城之西北

邢高魁等攻城之東南諸勇或從橋上撲火而
進或從水淺處裸身而涉直逼城下攀緣而登
賊衆盡從東門逃出分途截殺斃賊數千人隨
卽收復咸甯縣城羅澤南進駐桃林鋪探知逆
賊敗後下竄江夏之山坡驛復乞救武昌城內
之賊共得八九千人蠡聚驛店於山坡上五里
四姑腦地方派民修築土城以爲頭卡於山坡

下五里街修葺木壘以爲二卡冀以抗拒我師
又伏悍賊以衝我之行陣羅澤南分各營爲前
後隊行至四姑腦近處突遇賊匪分三路而來
李續賓吳坤修禦中路大股知州唐訓方禦右
路遊擊普承堯等禦左路羅澤南暗伏左路樹
林之前以防賊伏賊乘我師列陣未就分路來
撲我師亦分路應之殺斃前鋒數百人賊遂敗

走乘勝追殺賊至山坡驛前復踞險頓旗以待
羅澤南等從樹林截出賊不虞我軍之突至遽
施火槍噴筒以拒我師奮力衝突殲其前鋒七
十餘人林後之賊亦敗爲諸勇所遏不能回驛
由驛左山坳以竄山坡之賊方在抵敵遙見伏
兵已破而各路兵勇奮殺遂盡從驛北以竄知
縣蔣益澧軍功劉騰鴻聞前路礮聲不絕知與

賊戰卽與前隊共相追殺斃賊三千餘人生擒
六百餘名奪獲大小黃旗八百餘面鳥槍擡槍
七百餘件至金口各水陸要衝賊踞日久牆壘
尤堅伏思陸路正兵由蒲咸驛路而進賊必探
知可以豫爲準備如先以偏師循江岸擣金口
則水陸聲援可通而賊亦不虞官兵遽至金口
關隘可奪而有臣楊載福飭水師自陸溪口拔

營以中營都司鮑超守備李濟清前營都司王
明山副前營都司銜守備萬化林副左營守備
銜千總陳金鼈等循江南岸而下而自率右營
遊擊李成謀等循江北岸繼發又飭副將王國
才帶陸勇循北岸以渡新灘口賊聞我軍北岸
已復潰口蔡店進逼漢陽南岸復蒲咸破山坡
而由驛進發其新灘口各處之賊聞風卽潰皆

竄聚金口以禦我師復以拖罟快蟹大礮船數十號長龍三板快划數百號泊於金口橫截中流並以賊壘五處護之鮑超由中路奮勇當先陳金鰲萬化林繼之李濟清抄其左王明山抄其右四面圍擊鏖戰踰時賊以千斤大礮排列施放四徧我軍以戰艦排列施放六徧賊怯而不敢進我軍每放一輪卽進十餘丈六徧之後

軍船已近賊舟鮑超右肋中大礮子傷吐血升
許而勇敢絕倫進戰益力衆軍益奮擊沈賊船
數十隻斃賊數百名乘勢衝入賊陣施放火箭
賊勢不支乃開船下竄我軍且追且燒轉戰五
六十里賊船沈沒無算岸上之賊亦有驚潰水
師進泊金口大軍山及臣胡林翼軍抵金口臣
楊載福遂率副將王國才等以其陸師及全營

水師進屯沌口臣等查南北各路仰仗

天威水陸並進臣胡林翼臣楊載福與道員羅澤南均
會於金口密商訂期齊攻武漢以冀速復堅城
上紓

宸念出力及陣亡各員弁可否懇

恩分別獎卹出自

聖裁奏入

上諭內閣曰此次胡林翼等進剿咸甯山坡及金口沌
口水陸獲勝大振軍威所有奮勇出力之都司鮑超
著以遊擊儘先補用並賞給壯勇巴圖魯名號千總
陳金鼐著以守備補用把總吳玉清著以千總升補
並賞戴藍翎陣亡之千總李見榮著照千總例議卹
把總楊琢珩從九品李開益未入流史友喬外委汪
永釗熊紹德黃鎮海郭榮輝劉百祿李榮均著交部

從優議卹把總瞿高魁黎立祖均著照例議卹軍功
歐陽光王得高周岐鳳劉鳳翥戴曉嵐王錫福張日
新于得勝鄧勝華胡家順均著照外委例議卹

胡林翼又奏言臣前保知縣劉蓉久在湘營羅
澤南稱其於當世之務無不窮究侍郎臣曾國
藩延之幕中自克復湘潭岳州武昌以至潯城
參議軍謀竭誠贊助今秋援鄂劉蓉管帶副右

營克復通城崇陽蒲圻皆資借箸其父劉東屏
年近七十屢召之歸其弟劉藩攻城陣亡劉蓉
素性孝友負骸歸養惟念軍務至要當此武漢
待復江南未平必須該員襄理湘營事宜應請
飭下湖南撫臣傳諭劉蓉之父卽飭劉蓉迅赴軍營隨
同羅澤南辦理營務奏入

上諭內閣曰湖南在籍知縣劉蓉係因親老回籍之員

惟據胡林翼奏稱該員熟悉營務足資襄辦著駱秉
章卽飭劉蓉前赴羅澤南軍營隨同辦理營務